

**CENTRALNA BANKA
BOSNE I HERCEGOVINE**

Broj: 150-15-4-827- 5 /20 SAK
Sarajevo, 18.08. 2020. godine

Na osnovu člana 69. stav (2) tačka d) i člana 70. stav (1), stav (4) i stav (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine, donosi

ODLUKU

o poništenju postupka javne nabavke radova saniranja sanitarnog čvora u suterenu poslovnog objekta Centralne banke Bosne i Hercegovine – Glavne jedinice Mostar, putem otvorenog postupka

Član 1.

Ovom odlukom se poništava otvoreni postupak za nabavku radova saniranja sanitarnog čvora u suterenu poslovnog objekta Centralne banke Bosne i Hercegovine – Glavne jedinice Mostar, procijenjene vrijednosti u iznosu od 8.000,00 KM (slovima: osamhiljada konvertibilnih maraka i 00/100), iz razloga što nijedna od primljenih ponuda nije prihvatljiva.

Član 2.

Centralna banka će o rezultatima provedenog postupka javne nabavke obavijestiti ponuđače.

Član 3.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 4.

Ova odluka će se objaviti na web stranici Centralne banke Bosne u Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

O b r a z l o ž e n j e

Postupak javne nabavke radova saniranja sanitarnog čvora u suterenu poslovnog objekta Centralne banke Bosne i Hercegovine – Glavne jedinice Mostar, putem otvorenog postupka, pokrenut je Odlukom o pokretanju postupka, broj: 150-15-4-827-2/20 SAK od 28. februara 2020. godine. U skladu s tim, Centralna banka je 12. juna 2020. godine na portalu Javnih nabavki objavila Obavještenje o nabavci broj: 1370-1-3-269/20.

U predviđenom roku za dostavljanje ponuda, odnosno do 01. jula 2020. godine, blagovremeno su dostavljene dvije ponude i to ponude ponuđača KULA MONT d.o.o. Zenica i INTER-COM d.o.o. Zenica.

Komisija za provođenje postupka javne nabavke je izvršila pregled i ocjenu blagovremeno pristiglih ponuda i konstatovala da su pristigle ponude neprihvatljive.

Ponuda ponuđača KULA MONT d.o.o. Zenica je neprihvatljiva iz razloga što je ponuđač dostavio neovjerene potvrde o uspješnoj realizaciji ugovora. Na stranici 10. tenderske dokumentacije u odjeljku D, tačka 1., podnaslov „Ponuda mora sadržavati“ alineja e) je jasno naznačeno da dokumentacija kojom ponuđač dokazuje tehničku i profesionalnu sposobnost mora biti dostavljena u originalu ili ovjerenom kopiji.

Ponuda ponuđača INTER – COM d.o.o. Zenica je neprihvatljiva iz razloga što je ponuđač dostavio jednu potvrdu o uspješnoj realizaciji ugovora. Tenderskom dokumentacijom je u Odjeljku C, tačka 4. podtačka 4.1., alineja a) traženo uspješno iskustvo u realizaciji najmanje dva ugovora koji za predmet imaju građevinsko – zanatske radove u prethodne dvije godine računajući od momenta predaje ponuda sa ukupnom vrijednošću svih ugovora minimalno 8.000,00 KM.

Shodno navedenom, Komisija za provođenje postupka javne nabavke je u svom Zapisniku o pregledu i ocjeni ponuda, broj: 149-15-4-1473-6/20 od 28. jula 2020. godine i Izvještaju o radu komisije sa Preporukom broj: 149-15-4-1473-7/20 od 28. jula 2020. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

 **GUVERNER**
Senad Softić
dr. Senad Softić

Dostaviti:

- guverneru
- viceguvernerima
- uredu glavnog internog revizora
- Predsjedniku i članovima komisije
- Glavnoj jedinici Mostar
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- arhiva